

滿洲名臣傳

單八上

庫	文	閣	內
三六函	二三五	漢	書
一四架	一六〇冊	號	類

庫	文	閣	內
二九函	二三〇	漢	書

內閣文庫			
番號	漢	2300	
冊數	160	(	95)
函號	290		43




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





滿洲名臣傳卷四十八

常祿保 官保 瑪拉 覺羅納世通

李繩武 明山 素誠 努三 彭寶

吳達善 范時綬 珠爾格德

常祿保 列傳


常祿保滿洲廂藍旗人姓赫舍哩氏雍正十

三年由閒散襲其遠祖德祿軍功所給騎都

尉世職于乾隆十八年授三等侍衛二十七

年授直隸居庸路營都司三十一年調正定

南川居海... 卷四十八





鎮王家坪都司三十五年遷四川提標左營  
 遊警二十六年從征金川三十七年遷成都  
 城守營參將隨副都統海蘭察等進攻得拉  
 密色欽山梁賊潛伏密林內常祿保往來衝  
 擊之十月隨定邊將軍溫福等攻明郭宗附  
 坪出梁議敘功加一等紀錄五次十一月大  
 兵進攻路頂宗之喀木色爾寨常祿保隨海  
 蘭察由山南大澗潛越山頂克之殲賊無算  
 隨進取博爾根山仰攻克木城受石山漏

等上其功得

旨賞戴孔雀翎三十八年六月隨副都統阿  
 爾素納等分路進攻昔領大碉賊百餘從傍  
 衝拒常祿保督兵橫擊敗之七月駐日龍要  
 隘三十九年二月授甘肅河洲協副將三月  
 定西將軍阿桂等攻克羅博瓦常祿保駐防  
 山嶺賊九百餘乘雪夜分兩隊潛劫常祿保  
 營四面環攻勢甚偏常祿保箭射鎗擊督兵  
 力戰禦之被鎗石傷賊竄入卡內者皆殲之

副都統烏什哈達等先後援至常祿保勇氣  
倍增率陝甘官兵內外夾攻賊敗竄

諭曰此次賊衆潛來劫營經官兵奮勇合擊  
痛加殲戮甚屬可嘉常祿保功績尤爲出衆  
着賞給西爾努恩巴圖魯名號賞銀一百兩  
並着以總兵陞用遇有缺出卽行補授尋授  
廣東高廉鎮總兵四十七年七月分攻雷則  
大海各碉賊掘壕排松簽鹿角備禦甚嚴常  
祿保分兵出賊後併力乘勢合攻雅木賊碉

克之九月大兵由達烏達圍繞道分七路進  
攻達思里噶拉依山梁常祿保率兵各路接  
應攻獲碉卡甚衆十一月大兵分五路仰攻  
科布曲山梁賊死拒鎗石交下常祿保被傷  
猶力戰歿于陣事

聞

賜祭葬如例

命圖形

紫光閣儒臣擬賚日雪夜賊來犯羅博瓦悉

廣州名臣傳

卷四十一

三

力殲孽傷因兵寡蓄則大海賊後繞攻捐軀  
科布敢戰名雄尋

恩廕其子瑚松阿爲都司襲騎都尉世職

官保列傳

官保滿洲正黃旗人姓烏雅雍正十年由刑  
部筆帖式擢堂主事十一年遷員外郎乾隆  
五年遷郎中七年授江南江寧府知府十一  
年三月總督尹繼善奏官保不宜外任  
詔以京員用七月補刑部員外郎十三年轉

郎中十九年改監察御史二十年遷刑科給  
事中

命巡視臺灣二十二年二月擢漢軍廂黃旗  
副都統五月

命往西藏辦事二十六年正月授刑部右侍  
郎十一月轉左二十七年三月調滿洲正黃  
旗副都統二十八年以刑部侍郎兼管工部  
侍郎三十年調工部侍郎三十二年四月復  
往西藏辦事先是西藏糧務通判吳元澄私

那藏庫銀買運貨物虧空銀萬八千餘兩歷  
任駐藏大臣俱失察官保訪知參奏  
上命官保同駐藏大臣瑪常草吳元澄職在  
藏地審明正法並遵

旨查失察大臣駐藏職名入奏

上嘉官保沿途留心抵藏後即查出此事寔  
屬急公交部議敘加一級三十二年授正紅  
旂蒙古都統三十三年六月署理藩院尙書  
七月授刑部尙書仍署理藩院事兼正紅旂

蒙古都統尋調正紅旂滿洲都統十一月兼

署禮部尙書十二月充

經筵講官三十四年正月署戶部尙書是月  
協辦大學士二月協理步軍統領刑名署理  
戶部三庫事務

命紫禁城內騎馬六月

上駐蹕熱河

命留京辦事九月巡按興平倉奏言興平倉  
新收漕糧粳米八廩內三廩俱乾潔五廩米

色較潮潤若不預籌恐霽交虧折查乾隆二  
十四年江浙漕糧偶被風潮總漕楊錫紱奏  
准先行支放今興平倉新漕米色潮潤五版  
請先支放以免虧缺交倉場侍郎妥協辦理  
得

旨俞允嗣經倉場侍郎實麟黃登賢查驗五  
版內米色果灰暗潮潤  
上以總漕梁翥鴻不能查察交部嚴加議處  
實麟黃登賢率行收倉交部察議尋議翥鴻

降三級調用實麟登賢俱降一級留任九月  
命偕禮部尚書王際華戶部侍郎英廉總理  
平糶事宜官保以西城麩廠虧短將監糶侍  
郎蔣元益奏並遵

旨查中東南北四城麩廠情形嗣查奏北城  
麩麩短少曾經報出中東南三城監糶大臣  
未能豫行查辦請與會同辦理之御史一併  
察議

諭曰此案短少麩麩緣由北城據寔報出所

大清高宗純皇帝實錄卷四十八

辦尙是該城監糶大臣等免其交部中東南  
三城未能豫行查辦自應察議但官保等祇  
知各城監糶之應與處分不知北城早經報  
出伊等不卸妥辦以致屢生事端其咎更無  
可辭官保王際華英廉一併交部察議部議  
俱降一級留任十一月寔授戶部尙書三十  
九年調刑部尙書兼議政大臣三十六年五  
月充

國史館正總裁六月兼署兵部尙書三十八

年調吏部尙書四十一年正月以患病年逾  
入旬請將內閣吏部等事務俱行開缺

諭曰官保宣力有年尙能誠謹供職今以老  
病懇請解任着以原官致仕三月卒遺疏上  
勅部查應給恩典照例具奏

賜祭葬諡文勤子萬寧現任貴州布政使凝  
德任獨石口副將

瑪拉列傳

瑪拉滿洲正黃旗人姓富察康熙三十六年



襲佐領四十三年遷護軍叅領雍正元年授  
廂藍旂蒙古副都統十一月調廂藍旂滿洲  
副都統二年擢刑部侍郎十一月以本內誤  
絞爲斬降三等侍衛兼佐領四年授正紅旂  
滿洲副都統五年正月副都統室鄂齊疏  
報查西藏情形達賴喇嘛私其父索諾木達  
爾札固山貝子噶卜倫康濟鼐恃其勲績輕  
視諸噶卜倫衆恨之固山貝子阿爾布巴乘  
隙與隆布鼐扎爾鼐爲党煽搆事端致達賴

喇嘛與康濟鼐不和請予隆布鼐扎爾鼐噶

卜倫原銜罷其職掌以剪阿爾布巴羽翼

上命瑪拉偕侍讀學士僧格往

諭達賴喇嘛康濟鼐和衷共事

賞銀一千兩總理西藏事務十月阿爾布巴

戕康濟鼐以兵圍頗羅鼐至阿里頗羅鼐截

殺其衆遂領兵往勦阿爾布巴

上以瑪拉在藏恐爲阿爾布巴所惑從中講

和以致頗羅鼐受害

滿洲各官傳卷四十一  
遺學士班第密

諭機宜六年七月頗羅鼐自藩玉口至喀巴  
先擊喀木卡倫與隆布鼐遇是夜斥堠兵集  
遂抵西藏瑪拉等趣布達拉護達賴喇嘛還  
藏各廟喇嘛擒阿爾布巴隆布鼐扎爾鼐以  
獻頗羅鼐繫送瑪拉所瑪拉等鞫謀殺康濟  
鼐狀得寔磔阿爾布巴斬隆布鼐扎爾鼐逆  
孛緣坐十月瑪拉等以達賴喇嘛入隊中率  
西安滿洲兵四百固原兵五百四川兵百駐

察木多應援疏入

報聞七年二月調廂藍旂滿洲副都統六月  
賞銀二千兩八年擢正黃旂護軍統領九月  
上念瑪拉在藏年久以副都統青保代之  
賞銀一千兩

命將防禦兵丁酌量帶回十月瑪拉偕額外  
內閣學士僧格疏報班禪額爾德尼貝勒頗  
羅鼐遣使賫牛羊酥麩餉大軍

諭曰瑪拉僧格將所送之物核價充裕給與

滿洲各官傳

卷四十一

九

海州各官傳卷四十一  
銀兩並傳諭伊等朕遣兵在藏駐劄特爲衆  
唐古忒防守使之寧謐豈有絲毫遺累之理  
今所送諸物勢必在伊屬下攤取未免滋擾  
且我兵糧餉並不缺乏此番給還銀兩並非  
外視爾等也可傳諭唐古忒咸悉朕意十一  
月瑪拉請給貝勒頗羅鼐印  
詔廷議如所請十二月擢工部尙書兼正紅  
旗滿洲都統十年三月由藩回京因言番子  
等仰賴

皇恩各安生理得爾格特部向皆恭順自隸  
內地差務勤慎

上命給得爾格特宣慰司銜七月

上以瑪拉不曉部務該旗事件亦多昏愎率  
意着革職以佐領在軍需處章京行走十一  
年正月

諭曰原任都統瑪拉在藏辦事熟諳彼處情  
形着以副都統銜前往西藏辦事三月

上諭軍機大臣曰西藏駐扎弁兵本爲防護

唐古忒以防準噶爾賊夷侵犯邇來賊夷大  
敗徒步奔逃力蹙勢窮不能遠涉且頗羅鼐  
輸誠効力唐古忒兵亦較前氣壯今藏地無  
事兵丁多集米穀錢糧雖給自內地而唐古  
忒人等不免解送之勞朕意留兵數百餘盡  
撤回青保瑪拉苗壽著總理藏務應撤兵丁  
詳議具奏瑪拉等合疏言駐藏四川兵二千  
應留五百餘撤回三年後仍撥四川兵代雲  
南兵一千本爲援藏設今亦量撤五百三年

更代如四川例

上從之乾隆元年瑪拉等疏言統轄喀喇烏  
蘇兵扎薩克頭等台吉那顏和碩齊卒臣與  
貝勒頗羅鼐議請以其次子頭等台吉珠密  
納木扎爾兼轄以其弟塞臣哈什哈襲扎薩  
克頭等台吉廷議允行八月卒

賜祭葬如例

覺羅納世通列傳

覺羅納世通滿洲廂藍旗人由筆帖式授刑

部主事遷員外郎調戶部遷郎中乾隆十九年擢雲南布政使二十二年雲貴總督恒文派屬員賄金為雲南巡撫郭一裕所劾諭曰納世通沈嘉徵身居藩臬遇督撫有此等事乃並匿不以聞惟事迎合上司毫不知愧何以為僚屬表率着交部嚴察議處尋議革職十二月授安徽按察使二十三年四月丁憂回京

命以按察使銜往巴里坤辦理糧餉尋復

命赴魯克察克辦理屯田九月以署章京巴顏德等追捕竊馬賊未獲納世通不嚴叅部議降一級調用尋丁憂來京服闋

命補官日降一級留任二十六年七月授工部右侍郎十一月兼廂黃旗漢軍副都統二十八年正月授叅贊大臣

命赴喀什噶爾辦事

諭以慎持大體不可苟且塞責二十九年三月奏言伊寔罕伯克阿卜都喇伊木為逆賊

海州志卷四十一  
霍集占等親信及大兵臨城始降降時令人  
赴外藩貿易漏洩內地事并通書霍罕謀爲  
叛逆狀

命侍郎五吉往阿克蘇會納世通審寔正法  
納世通尋奏言伊犁官兵至塔拉斯地方爲  
克特滿圖伯之布魯特悞殺已令阿奇木伯  
克素勒坦和卓等向尼沙瑪木特呼里游牧  
索人犯令拏獻治罪

諭曰伊犁果有巡查官兵爲外藩戕害明瑞

豈有不知卽知之豈不奏聞此事尙未可信  
納世通等遽遣人查拏殊屬鹵莽納世通奉  
到此旨如所遣伯克尙未轉回卽續派委員  
將此事虛妄之處詳悉曉示令素勒坦和卓  
等速回九月奏言額爾德尼伯克往攻和濟  
雅特丕色勒聞大兵前來中途撤回游牧現  
遣親信回人潛入霍集占偵探  
諭曰額爾德尼伯克撤兵防範厄魯特等不  
過因阿卜都喇伊木交通事覺恐大兵問罪

清史各傳卷四十六  
三十一  
欲爲守禦計耳豈敢圖謀喀什噶爾如果有此心則從前阿卜都喇伊木潛通信息其時何不統衆相應朕昨以阿卜都喇伊木罪狀勅諭額爾德尼伯克伊得旨知已免其加兵自然安守游牧若納世通等以全無影響之事偵探張皇恐喀什噶爾回衆聞之轉啟猜疑納世通將此事姑置之不必遣人往探尋復奏言據遣往霍罕偵探回人所告與從前來投之厄魯特及霍罕貿易回人之言相似

今奉到

頒給額爾德尼伯克

勅諭卽派員外郎四十七藍翎侍衛官長保等恭賚前往并預備賞給緞疋茶布等物諭曰從前納世通奏報額爾德尼情形意涉張皇恇怯朕屢經訓諭至所派四十七等皆未經練事体恐貽外藩嘲笑今又預備賞賚尤爲非体此次勅諭係加恩免罪派人前往尙當嚴詞斥責有何應賞之處看來伊等從

清史各傳卷四十六

三十一

前相機辦理不過空言非真有成算也設額爾德尼果有侵擾內地之力何不與阿下都喇伊木協謀舉事而竟坐視其敗露耶且伊果欲內侵非賞賚所能止遏如其無力則斥責又豈能債事辦理邊務大臣豈可潰潰如此納世通等着嚴加申飭

命副都統伯琨往喀什噶爾協同納世通辦事十一月納世通奏言四十七等至霍罕額爾德尼具奏章懇帶回又遣貿易人等投贖

呈文

諭曰額爾德尼既有奏章縱不親身前來亦應遣頭目賞送乃僅交四十七代進而納世通遂爲陳奏殊乖体制且回人性習狡黠斷不可示以柔弱納世通等嗣後辦理外藩諸事務知大體不可存苟且塞責之見十二月奏言四十七等自霍罕回告稱額爾德尼迎勅甚恭以不能親身入覲欲遣人代爲賚奏並因冬寒不及預辦方



海沙自傳 卷四十一  
物俟來春料里起程

諭曰額爾德尼尙屬恭順所奏亦合情理但伊呈書納世通有云我仇人甚多嗣後有謔謗我者祈將其人發來質對以辨真偽等語雖屬畏罪之詞究因阿卜都喇伊木罪狀似未顯著致伊蒙寬不白者然納世通覆書卽應將審明各確據逐一指出並以大臣等欲進兵問罪大皇帝天恩念爾平日尙屬守分姑從寬免降勅訓諭仍以嚴詞斥責伊自

知所做畏乃反云阿卜都喇伊木之事業經蒙恩寬免無須再述是其意若以前事爲歉然者殊屬非是納世通辦理此事始終怯懦着嚴加申飭三十年二月烏什回人激變副都統素誠自殺

諭曰逆回戕害官兵焚劫倉庫此固素誠等平時辦理不善以致滋事而回人等敢行叛亂斷難曲宥納世通額爾景額等務期大示懲創不可稍存姑息納世通尋奏言臣至烏

什與弁塔哈合兵擊敗賊派弁塔哈隊內翼  
領良福領兵至巴什雅克瑪沙頭兩處卡倫  
堵賊去路

諭曰賊聞我兵陸續前往必畏懼潛逃今卡  
倫防範既嚴縱有逃脫者不過往布魯特等  
部落伊等焉敢容留倘稍有抗違可一併辦  
理納世通奏言臣親領官兵進攻賊人西面  
殺賊二十餘名良福兵到即令前往巴什雅  
克瑪一帶嚴防臣率兵奪取城西山殺賊三

十餘名賊自知罪重據險死守今伊犁兵將  
到齊俟觀音保到日商選兵丁防守要害乘  
機擒賊又希卜察克布魯特散秩大臣阿奇  
木冲噶巴什布魯特比阿瓦勒聞臣領兵前  
來各項布魯特兵隨至呼什齊部落那喇巴  
圖之侄亦願隨軍効力臣加獎諭一体支給  
行糧

上以布魯特回人無給口糧例

命納世通等還帑三月奏言烏什官兵現有

滿洲名臣傳 卷四十一  
一千八百餘名已足敷用伊犁事務緊要將軍明瑞無庸前來止須撥馬四五百匹接濟諭曰明瑞係節制各城將軍遇此等情事理應前往查辦納世通行文阻止甚屬錯謬諒明瑞未必因此撤回卽一時所見未到亦必作速再往一切事宜均遵照陸續所降諭旨辦理并傳諭納世通朕命明瑞前往不獨藉壯軍聲兼以查核起衅情節卽烏什平定伊仍有應辦之事何必行文阻止顯係納世通

視辦理烏什事甚易恐明瑞與伊分功懷

此歧心何由集事納世通又奏將副都統觀音保所領兵撥往隘口堵禦得

旨此奏尤屬非是觀音保所領伊犁官兵既屬可用乃不之以勦賊而置之閒地豈有恐觀音保分伊等之功耶將來明瑞到彼如伊等和衷協助自當一体敘功若果此等小見卽幸而竣事亦所不取納世通着傳諭嚴行申飭明瑞尋奏言進勦兵丁半係回人及布

曾特業經声揚進勦復倉卒撤兵沿途回人  
轉生猜惧臣今駐阿克蘇烏什之間若辦理  
已竣固善或仍須協助亦卽赴援

諭曰明瑞所奏甚合朕意納世通以與賊人  
攻戰數次尙未竣事尙明瑞不行前往更當  
若何看來回人以耕種爲生旣防其要隘不  
能脫逃而農時又失自然內潰今納世通惟  
知急攻與賊相持受其誘敵之計翻覺彼逸  
我勞明瑞至烏什時宜知所鑒尋納世通奏

言賊恃險死守難卽克俟明瑞至會商進勦  
務殲滅以安各城反側心

諭曰納世通此次所奏愈覺不堪明係始以  
辦理烏什爲易慮及分功今乃知其難又復  
巧爲遮飾甚屬無耻至所稱安撫各城尤爲  
悖謬烏什業經反亂尙何安撫之有若指其  
餘各城則爲回人俱感激朕恩捐輸口糧牲  
隻領兵協助又何待于安撫蓋納世通方寸  
已亂將効力回人俱視爲敵固尙可倚以集

事乎卽如攻城一事若克一城又有一城不  
得不急圖進取今死守者只此一城自當俟  
其困極自潰而納世通等株守城下兵疲力  
竭如此是納世通等全不曉事此事惟明瑞  
是賴一切俱自行決斷不可稍有推諉明瑞  
因劾奏納世通弁塔哈接見領隊大臣等官  
體統甚尊惟優待辦事各員卽大伯克皆向  
伊等長跪並多派回人服役昨領隊大臣觀  
音保領兵赴援納世通卽撥回人二百爲官

兵服役烏什回人作亂寔因擾累所致

諭曰納世通弁塔哈素誠俱受朕深恩身爲  
大臣各駐專城辦事乃納世通弁塔哈平日  
妄自尊大一聽所屬官兵凌虐回人至辦理  
烏什一事納世通領兵甫至彼處始則恐明  
瑞爭功行文阻止繼復懇求援助無耻寔甚  
彼時明瑞若竟行撤回尙不知釀成何等事  
端且正當撫輯未生事之回衆令其傾心出  
力之時反撥給觀音保回兵二百名以備使

令是又具何肺腑卽此撥兵一節其平日之  
任意苦累更不問可知納世通弁塔哈種種  
悖謬乖張不可枚舉是烏什之始而激變繼  
而聽賊猖獗不能尅日平定者皆伊等卑鄙  
無耻庸妄債事所致卽傳旨將納世通弁塔  
哈于軍前正法五月副都統伯琨奏納世通  
在喀什噶爾時出行圍科派馬匹回人苦累  
且妄自尊大不常接見回部伯克惟委信主  
事烏爾袞恣縱勒索

諭曰各城駐劄辦事大臣俱深受朕恩爲一  
城統領大員白應潔已率屬安撫回衆卽偶  
爾行圍藉以操練官兵原屬可行但祇應帶  
內地兵丁至于回人俱以耕種爲生乃常派  
其出圍以致伊等廢時失業有是理乎曾見  
內地大臣有帶領農人行圍者乎再回部伯  
克俱係恩賞職銜品級之人該管大臣固不  
可過于優容亦不可任意凌賤至官員等尤  
非大臣可比烏爾袞不過一主事竟敢將散

秩大臣阿奇木毆辱寔出情理之外此皆大臣等平日過于寵信所致若不重治其罪何以示懲是以降旨將納世通治罪外并將烏爾袞等審明定罪各城辦事大臣嗣後各宜守身潔已善視伯克一切事務秉公辦理屬下人員嚴加約束毋令擾累回衆以納世通爲炯戒布魯特尋縛猷烏什間諜巴布敦等款供致變之由與明瑞伯現所劾同  
御製烏什戰圖詩有曰巴布敦辭寔可憑周

詒我衆又堪徵哥舒翰旣少恩甚李大宜還  
耽樂仍一死餘辜真尙有兩駑豸駕愧惟增  
可同効節加優卹用戒將來示創懲

### 李繩武列傳

李繩武漢軍正黃旗人祖鐸隨明寧南侯左  
夢庚投誠授騎都尉世職父起龍襲隨征噶  
爾丹有功加一雲騎尉康熙四十四年繩武  
襲雍正元年四月授佐領十一月補叅領五  
年遷湖廣黃州副將八年擢甘肅寧夏總兵

清史各目傳 卷四十八  
十年署固原提督乾隆元年調河南河北鎮  
總兵五月擢甘肅提督三年二月

命駐防哈密

賞治行裝銀五千兩三月調固原提督仍駐  
哈密先是五十三年九月

皇上御極噶爾丹策凌遣使乞和

詔撤北路兵乾隆三年以噶爾丹策凌遵

旨議定分界地方

允其遣使赴藏熬茶四年夷使至哈密軍營

繩武撥兵五百遣官協同理藩院章京由扁  
都口至東科爾貿易畢護送至藏六月調甘  
肅提督七年以捏報屯田濫邀議敘鑄二級  
詔留任十年調西安提督十一年閏三月疏  
言商夷賚木瑚里等帶牲畜乞在哈密貿易  
肅州鎮臣請于嘉峪關外花海子牧放查花  
海子逼近赤靖等處營汎南通青海北接北  
路卡倫留牧未便臣飭將馬駝貨物赴肅州  
牛羊暫牧哈密卡外俟價議定差員率商出



口迎牧疏入

報聞六月奏言哈密西南西喇淖爾地通魯克察克闡展等處向設卡倫旋以水草不便議裁準夷多由是潛行應派兵守望又巴達什爲貝子玉富素牧廠西北爲烏拉臺卡倫北五十里有畢柳大板溝應設卡與烏拉臺巴達什聲息相通可以嚴密防範廷議允行十三年七月調甘肅提督十月調固原提督十四年二月調直隸古北口提督四月調福

建陸路提督以病未赴十月調浙江提督十

二月調固原提督十五年授鎮海將軍十六

年署安西提督印務七月授甘肅提督十月

調安西提督十七年五月

諭曰李繩武奏此次準噶爾夷目額倫瑚里貿易牲畜貨物較十三年之數不無浮多再每次到哈密必有乏弱牲畜求售應查明確數以理責問如果恭順懇求再行照例辦理等語此番交易係初次定例必當示之以信

滿洲名臣傳 卷四十八  
不可稍有遷就該夷貪狡無厭不過得尺進尺得寸進寸向來承辦員弁惟恐生事一味委曲周旋將就了事朝廷體制尊嚴邊疆奏事有不能盡寔而外藩小國其上下之情轉相聯貫交易一事未必不早爲窺破一次踰例後次又復加厚利所在彼何樂而不爲耶今該夷內亂又與哈薩克構釁其交易較前所增有限已可得其情形此正辦理機會

截長補短通融折算逾數者雖少亦概駁回至奏報來使言語情形務須一一據寔倘稍有粉飾將來查出惟該督撫是問尋將夷日情形具奏

諭曰李繩武所奏竟似毫無主見姑爲游移兩可之詞以俟朕之批示如所稱該夷等似覺失望又不敢違背章程其詞色深爲作難止求轉奏等語又將夷人伴送北山暫住牧放是已明示以據情入奏矣貿易既定有章

程自當永遠遵行若因其恭順畏懼而曲爲  
遷就將來勢必逐漸加增何所底止至疲弱  
馬駝從前准其變售原屬辦理錯誤今既立  
限制何得因循故轍視爲常例乎李繩武具  
摺奏請夷人必無不知之理着卽將入奏奉  
旨之處明白宣諭以哈密貿易原屬非例今  
旣新定規條當照十三年肅州貿易之例永  
遠遵守其疲乏牲畜不妨在哈密牧放回巢  
後携回必須如此辦理方可杜無厭之情在

李繩武本非辦事果斷之才身爲提督於此  
等重務一味周章觀望何以承受恩典着嚴  
行申飭六月

上以繩武於夷人貿易一事周章觀望毫無  
擔當

詔革職來京候旨十月署山東登州總兵十  
九年調陝西河州總兵二十一年擢安西提  
督閏九月授鎮海將軍初和碩特汗沙克都  
爾曼濟率其部來降駐牧巴里坤是年十二

滿洲各官傳 卷四十一  
月參贊大臣雅爾哈善疑其有異志與繩武  
合疏言沙克都爾曼濟向內地增卡倫偵探  
巴里坤布隆吉爾安西兵數與綽羅斯叛党  
扎納噶爾布通移游牧四十餘里迹可疑臣  
等調滿洲綠旗兵分二隊抵賊游牧斬之復  
分兵殲勦南山奎蘓博爾河津之厄魯特四  
千餘人疏入下部議敘二十二年六月赴鎮  
海將軍任九月卒

明山列傳子海寧附

明山滿洲正藍旗人姓伊爾根覺羅氏雍正  
五年由閑散襲佐領遷叅領緣事革職乾隆  
十九年

詔給主事銜在軍機處行走旋補戶部主事  
遷員外郎二十年署甘肅寧夏道二十二年  
遷山西按察使二十四年正月遷浙江布政  
使二十五年奏嚴禁窩賭二條一拿獲賭博  
應將造賣賭具者追出治罪查雍正十三年  
刑部議准湖南巡撫鍾保條奏賭博案內不

清洲名目傳卷四十八  
將造賣人供出卽將買有賭具之犯照販賣  
賭具爲從例杖一百徒三年後律例館改照  
不應重律杖八十定例旣輕犯者益衆請仍  
照原例問擬杖徒一窩賭必有聚賭之人往  
來兩隣無不悉知嗣後如有經旬累月開場  
窩賭者許左右隣舉首照例給賞徇隱照不  
應重例杖八十若得財准竊盜計贓從重論  
部議允行二十六年丁母憂仍在軍機處行  
走二十七年五月署江西巡撫八月授廣東

巡撫九月疏請禁印官蟒衣跪迎督撫  
上是之部議允行十月疏言臣自江西起程  
聞浙江被水將來米價必昂江西本年米價  
甚平陳陳相因請

勅江西浙江撫臣酌量情形如需接濟卽碾  
撥江西常平穀二十三萬石運浙浙江民食  
有資江西又可收出陳入新之益得

旨嘉獎二十八年正月奏言廣東府廳貯穀  
前撫臣鶴年奏令附近州縣碾放春夏兵米

廣州府志卷四十八

日占圖

秋後征收還倉查廣東通判倉貯穀八萬二千七百八十餘石歲撥南海番禺東莞順德新會香山增城清遠八縣兵米僅六千二百石十二年始出易一週粵地卑濕久貯黴耗堪虞請自乾隆癸未年始除增城清遠二小縣仍照舊數碾放其南海番禺東莞順德四縣每年各加撥千石新會香山二縣每年各加撥六百石連原撥數共出陳穀萬一千四百石七年即可全數易新

天

